

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 06 0 K 017709 24 K

Novi Travnik, 10.03.2025. godine

U IME FEDERACIJE BOSNE I HERCEGOVINE!

Kantonalni sud u Novom Travniku, u vijeću sastavljenom od sudaca Vesna Vujica predsjednica vijeća, Aida Pezer-Alić i Denis Trifković, članovi vijeća, uz sudjelovanje Slađane Dujo kao zapisničara, u kaznenom predmetu protiv optuženog A. V. zbog kaznenog djela Razbojništvo iz članka 289. stavak 2. u vezi sa stavkom 1. u vezi sa člankom 31. Kaznenog zakona Federacije Bosne i Hercegovine po optužnici kantonalnog tužitelja Kantonalnog tužiteljstva Travnik broj: T06 0 KT 0029162 21 od 22.10.2021. godine, nakon održanog glavnog i javnog pretresa dana 04.03.2025. godine, na kojem su bili nazočni kantonalni tužitelj Kantonalnog tužiteljstva Travnik Azer Ulemić, optuženi A. V. i njegov branitelj Ivica Dragun, advokat iz Bugojna, po obavljenom vijećanju i glasanju donio je dana 10.03.2025. godine u odsustvu uredno obaviještenog optuženog, branitelja optuženog i kantonalnog tužitelja, a predsjednica vijeća javno objavila slijedeću:

PRESUDU

Optuženi:

A. V. zv. D. sin I. i majke B. djevojačko K., rođen godine u B., trenutno bez stalne adrese, JMBG: ..., Bošnjak, državljanin BiH, završio osnovnu školu, bez zanimanja, nezaposlen, lošeg imovnog stanja, osuđivan.

Na temelju odredbe članka 299. stavak 1. točka c). Zakona o kaznenom postupku Federacije Bosne i Hercegovine

OSLOBADA SE OD OPTUŽBE

Što je, zajedno sa još jednim licem,

dana 19.05.2021.godine oko 21,55 sati u ul. Bosanska br. ..., u Bugojnu, u namjeri sticanja protupravne imovinske koristi, po prethodnom dogovoru da iz sportske kladionice „M.” otuđe novac, nakon što su prethodno navukli ženske čarape preko glave i kačkete nabijene na glavu, sa medicinskim rukavicama na rukama, po ulasku u kladionicu jedno lice držeći u desnoj ruci preklopni nož prišao je radnici B. M. iza pulta i više puta glasno govorio riječi „pare” držeći i dalje u ruci preklopni nož te je oštećenu prislonio uz zid a drugom rukom preturao po pultu tražeći novac a u tim momentima je i V. A. ušao u prostor iza pulta gdje je vršeći premetačinu pronašao metalnu pokretnu kasu u kojoj se nalazio novac koju kasu je uzeo i stavio ispod jakne,

a jedno lice je sa pulta oduzeo novac koji je pronašao pa su zajedno napustili objekt, govoreći oštećenju da nikud ne izlazi, te nakon što su se udaljili uzeli su pronađeni novac iz metalne nezaključane kase u papirnim novčanicama i kovanicama u vrijednosti od 658,00 KM koji su međusobno podijelili.

Čime da bi počinio kazneno djelo Razbojništvo iz članka 289. stavak 2. u vezi sa stavkom 1. u vezi sa člankom 31. Kaznenog zakona Federacije Bosne i Hercegovine.

Na temelju članka 203. stavak 1. Zakona o kaznenom postupku Federacije Bosne i Hercegovine troškovi kaznenog postupka iz članka 199. stavak 2. točke od a) do f) istog zakona, kao i nužni izdaci optuženog i nužni izdaci i nagrada branitelja, padaju na teret budžetskih sredstava.

U skladu sa odredbom članka 301. stavak 2. Zakona o kaznenom postupku Federacije BiH predsjednica vijeća je ukratko izložila razloge presude.

Zapisničar
Slađana Dujo

Predsjednica vijeća
Vesna Vujica